



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

DEO OPT. MAX.

E T

DIVO MARCO.

SUAS EXERCITATIONES PUBLICAS
DE MORBIS CAPITIS.

VOVET

CAROLUS PATINUS.

EQUES D. MARCI, DOCT. MED. PARIS.

ET IN ARCHI-LYCEO PATAVINO

PRIMARIUS PRACTICÆ EXTR. PROFESSOR.



PATAVII. M.DC.LXXXIX.

Ex Typographia Seminarii.

SUPERIORUM PERMISSU.

Caput est imago & gloria Dei.

D. Paulus c. XI. ad Corinth.

Κεφάλῃ τὸ ἥ αἰσθητῶν ἐργαστήριον, τῷ σώματι
ἀνθρώπου, ἥ νοσῶν πηγὴ.

Caput est sensuum domicilium,
corporis propugnaculum, &
morborum fons.

Hippocrates.

DEO OPT. MAX.
 ET
 DIVO MARCO,
 SUAS EXERCITATIONES PUBLICAS
 DE MORBIS CAPITIS,
 VOVET
 CAROLUS PATINUS.



Pecificorum remediorum vires & differentiae ad morborum profligationem accomodabuntur. Usus eorum abususve proludendo declarabitur: Et sacram artem nec in universalibus medicinis nec in multitudine medicamentorum consistere probabitur.

Exposita pilorum generatione, eorumdem morbis providebitur, nec indignum Medico hoc esse auxilium palam fiet; Ut pote qui *παραγὰ* praestare valeat, ornatum conciliare, & bestiiis mederi non dedignetur. Galenus hac arte gratiam Faustinae comparavit, & Archiater factus est.

Ophiasis, Alopecia, Caluitio, sua declarabuntur remedia: Ut fugientes Naturae vires in producendis capillis Medicus retineat, senectutisque damnum coerceat & tardet. Universalibus remediis prius quam topicis operam tradat, prudenterque attendat τῇ τῷ χυμῶν διαφθορῇ.

Plica Polonica explicabitur, causis signisque declaratis, triplici fonte medico sanabitur, chirurgo pharmaceutico & diætetico. Adducentur argumenta quibus cereuissimam Polonicam, immanis illius morbi causam esse philosophantur *ιατρὸν παῖδες*.

Non horribilis minùs quàm turpis est morbus pedicularis, tyrannis & phitosophis, ut ajunt, infensus, in frigidis temperatisque regionibus rarior. Remediis maturè adhibitis, pravam corporis naturam reparare, φθειρᾶσινque debellare conabimur.

A 2 In

51

In achorum tineæque causas inquiretur, quibus declaratis non erit difficile apta opponere remedia. Et hac data occasione, Mercurii seu argenti vivi vires examinabuntur, modus agendi, periculumque quod ab ipso imprudenter exhibito subest.

Dolores Capitis cephalgicos & hemicranicos, tum essentielles tum symptomaticos methodicè curabimus. Fernelium Gallorum medicorum decus cum Hofmanno Germanorum Hippocrate conciliabimus. Utriusque theoriam praximque antiquis esse præferendam ut commodiorem & securiorem demonstrabimus. De Cephalalgia veteriosa ex Hippocrate præclara explicabuntur, quam sequitur *κῆρυξ & κῆρυξις*.

Specificorum usus huc adducetur præter generalem medendi methodum, ut quod philosopho seu ratiocinanti medico facile est, ab ignaris plebeisque mentibus non rarè ad miraculum usque extollatur. Plura paucis præstare valet Architectus quàm imperiti inexpertique opifices, multorum saxorum ac lignorum congerie.

Medicos Italos non abhorreere a sanguinis missione, eaque è variis partibus probabitur: Quamvis calidioris regionis incolæ parciores esse constet, Hispani in eo fundendo liberaliores sunt. Cur Galli in sanandis capitis doloribus liberalissimi? Auditoribus patefaciemus.

Phrenitidem sanari obvium est, sanguinem capitis ebullientem educendo, revellendo, & contemperando. Causam ejus conjunctam aliis in cerebri inflammatione, aliis in meningum reponentibus: Priorem sententiam quæ Hippocratis est tuebimur, & posteriorem explicabimus.

Quàm egregiè Th. VVillis Anglus turbatos, excitatos & furentes spiritus immediatè Phrenitidem efficere docuit. Ut in modulata chorea quisque suum servare debet ordinem, ita confusionem parient spiritus seditiosi, & alienum quàm suum locum occupantes; hinc delirium, hinc furor, hinc mors.

Variæ ejus causæ differentias constituunt, non una eademque arte sanandas. Signa diagnostica manuducant Studiosos, hinc quippe nil temerè suscipiendum. Agitur de rationis domicilio, denobilissima hominis functione. Prognosis affectus hujus gravissimi semper sit dubia, & juxta Galenum instituatur interpretantem Hippocratem eruditè & prudenter: Hæ nobis erunt artes.

Præter multarum venarum sectiones Phrenitidi sanandæ utiles, maxime ad trutinam revocabitur arteriæ temporalis sectio: Circumforaneorum fraudes apertè declarabuntur. Cautiones medicas memorabimus, ac deinde recreandis philosophantium auribus, rectum operandi modum facillimumque exponemus.

Quàm malè agant qui Vomitoria aut Narcotica exhibent, Philiatrì cognoscent ex firmissimis nostris argumentis. Phrenitis nequit hypnoticis compefci, nisi priùs satisfactum fuerit ardenti intemperiei, multi sanguinis detractione contemperandæ: Disputationem Senerti

&

& Villisii circa Opium Laudanumque, Auditores componant, & pro viribus, ejusdem judices sunt.

A furore bilis ad pituitæ pigritiam deportabimur, & Lethargo medicinam faciemus, seu morbo seu symptomati. Antiquos medicos optimè philosophatos esse tum in ejus cognitione tum in cura, auribus, ne dicam oculis, subjiciemus. Duretum ut Hippocratis genium prævium sequemur, & Recentiorum observationes laudabimus.

Quàm multæ sunt Lethargi species, tot erunt Medico sanandi modi. Causas contrariis profligabimus, nec hominem ut hominem, sed ut Socratem curabimus. Ἰδιοσυγκρασίῳ observabimus, & ruentem in pejus morbum curabimus. Explicabitur Hippocrates, Lethargicos servari docens dum fuerint purulenti, juxta doctam Mercurialis interpretationem.

Quid juvent cucurbitulæ, scarificationes, topica, hirudines, & ligaturæ, ut una fidelia multidealbentur parietes, exponetur. Specifica proponentur & Auditorum patientia curiosis novisque remediis rationabiliter adhibitis recreabitur.

Ad immanem morbum postea progrediemur, quem *ictum sanguinis* Latini, ἀποπληξία Græci dicunt. Quæ differat a caro, syncope, & epilepsia, quamvis affatim necantibus, declarabitur. In his non raro decepti fuere, quos potius Doctores quàm doctos nuncupamus.

Controversiam agitabimus magni in re medica momenti, a Fernelio Gorrhæoque medicis Parisiensibus atque τῷ πλὼν Gasp. Hoffmanno susceptam, viris in arte quam profitemur maximis: Eorum argumenta proponemus, relicta Auditoribus judicandi potestate; nostrum enim non est tantas componere lites.

An Apoplexia a sanguine extravasato? An a suffocatis cerebri-ventriculis? An a compressa aut subsidente materia? An a spiritibus animalibus coercitis? An ab iisdem suppressis in corpore calloso? An a prohibito sanguinis è cerebro effluxu? An in cerebro, an in cerebello? Opiniones istæ nostris Auditoribus ἀντιβῶν exponentur, verisimilior eligetur.

Apoplexiæ signa ad amussim explicavit Silvius med. Parisiensis, suo modo Silvius delle Boe, med. Belga. Uterque Philiatris commendabitur, ut bona a malis valeant distinguere, & prudenti prognostico sibi viam faciant ad æthera: Hoc opus, hic labor.

Febre solvi Apoplexiam ne temerè credamus: At αὐτὸς ἐφαί, verba sunt Hippocratis *qui nec falli nec fallere potuit*: Respondeamus cum Dureto, posteriorem hanc Coacæ prænotionis partem non esse Hippocraticæ veritatis: Non deerunt præstantissima argumenta quæ negationem nostram concilient & cohonestent.

Variando docendi muneri, & sublevando Auditoris labori, hunc manuducemus ad Apoplectici lætulum, & quid queat quid debeat agere indicabimus, ducto a necessariis & prementibus initio, ad non negli-

negligenda procedemus ; ut percussus ægrotantem ad Salutis templum trahat, sibi que gloriam medicam asserat.

De Vomitoriis hîc dicere locus erit : Universo fere Autorum consensu Antimonium damnabitur. Exempla aliquot proferentur ejus martyrum, si pro fide occubuissent. Opinionibus & utilitate regi plerosque, veritate & virtute sapientes, declarabitur : Stultorum infinitus est numerus, a quo declinare debent Medici.

Parum auxilii sperandum esse a sternutatoriis & vulgò dictis Anti-Apoplecticis, recta ratione probabitur. Amuletorum vanitas patet, ut nulli philosophanti utilia videri possent. Corroborantia quænam in usum erunt revocanda, investigabitur : Et magnitudinem morbi, medicamentorum multitudine non obrui demonstrabitur.

Præcipuus curationis aries consistat in gravis contumacis que humoris evacuatione : Hinc catharticonum necessitas ad mentem Hippocratis, hinc balnei, ut præcipit Avicenna. Quid sentiendum de Mithridatica confectio? Hanc enim impensè laudat Fabricius ab Aquapendente, adhibita pro vehiculo vini generosi semuncia.

Causas Vertiginis adeo clarè exposuit Villisius ut eçum dixerimus alienas sentientem. Non ita sibi constat in medendi methodo. *Φιλιππος* sublevabimus in intelligendis Commentariis, ferendoque judicio : Adhibitis exemplis optimè notæ, quibus prudentia in medendo sollicitabitur.

Symptomaticas Vertigines referunt multi Medici in praxi utilissimas ; Ne porro pro essentialibus curentur. Decepti Medici culpam sequeretur ignominia, nec tamen inde levarentur ægrotantes. Silvatici controversiæ, Septalii Rhodii que cautiones in hunc usum admoveantur.

Signis prognosticis declaratis, ad curationem progrediemur, generalioribus præidiis ac deindè particularibus. Utilia remedia proponemus, cæterorum inutilitatem adhibitis argumentis damnamus : Ut nil desit juniori Medico quod suum decus ægrotantisque restitutionem efficere queat.

De *ἀπρεξιοπρία* iterum dicemus, si unquam, maximè in hoc casu opportuna. Oxyrrhodonum vires explorabimus, ne plusquam merentur, illis tribuatur. Cantharidibus venenata facultas medicum eripiet locum. Cætera topica *μὲν λόγῳ* adhibebimus.

Cauteriorum expositio unam exercitationem occupabit, tum actualium tum potentialium, ut quomodo evacuent & revellant intelligatur. Lapidis stygii seu infernalis compositionem ac vires explicabimus. Qualia sint Vertigini curandæ propria, ubi & quando applicanda, demonstrabimus. De Vesicatoriis verba faciemus, si quando ob doloris contumaciam desiderentur, & quænam sit eorum materia abunde dicetur.

Vertiginem sequatur affinis sed longè scvior morbus, Epilepsia.
Ejus

Ejus *ἐπιθεῖν* essentiam ferè declarabunt; Puerilis enim dicitur, Herculeus, Sacer, maximus, Lunaticus, Comitialis, caducus, convulsivus, S. Joannis, ut cuique denominationi sua non desit ratio, quam pudor esset Medicum ignorare.

Quis sit cerebri locus in Epilepsia maximè affectus, investigabitur. Signa aliis morbis communia atque Epilepsie soli propria, ex ipsis causis explicabuntur. Externæ internæque, efficientes & adjuvantes, in medium adducuntur, ne Andabatarum more pugnare videamur. Conjunctæ seu immediatè morbum causantes præcipuè quærentur quas hostiliter debellet medicus, Naturæ reparator.

Verum est ne illud Aristotelis problema, *solum ex animalibus hominem Epilepsia tentari*? Alia enim addit Plinius, alia Hippocrates; Inde concludere licet Epilepsie causas alienas esse à cerebri conformatione: Huic deinde nullum apponeretur remedium. At universâ Medicorum experienciâ patet illam aliquando remediis cedere, sanati quidem difficilem, at non impossibilem.

Medicum practicum decet continuò ratiocinari: Explicet itaque dum opus fuerit, cur juvenes quàm senes, viri quàm fæminæ Epilepsia sæpius tententur. *ἐπιθετικὸν* sit puerilis ætas, cujus *παλλακτικὸν* est pubertas, propter splendorem calori nativi, τῷ θερμῷ ἐκλαμπύει. Deindè noscat omnibus illis peculiari modo mederi. Ignavum Medicum censebat Asclepiades, nisi tres cuique morbo compositiones paratas haberet.

An culpandus Avicenna docens *Epilepsiam interdum occurrere absque convulsione*? Cùm ab Antiquis dicatur Convulsionum regina. Culpandi potiùs interpretes, Epilepsiam cum Apoplexia confundentes. Sapienter id exponit P. Salius Diversus, cujus commentarium sæpè voluere Studiosis bene animatis commendamus. Qualis sit convulsio ab inanitione aut a repletionem juxta mentem Hippocratis, enodabitur: Id enim in medicina facienda magni momenti est.

Occasione data Epilepsie hæreditariæ, quam incurabilem censent Senertus, Heurnius, Hollerius, Capivaccius, Mercurialis, de morbis unâ cum parentum semine ad prolem transmissis disseretur, nec à Medico ut conclamatos deferri debere, probabitur Disputabimus *Num patrum in natos transeunt cum semine morbi?*

Morbi gravitas & periculum quantumvis terrorem incutiant, tum ratione essentiae tum paroxysmi, medicum suscipiant auxilium. Caveamus porro ab ineptiis, debilem animam arguentibus. Parcamus Plinio docenti quod dicebatur, & sacram artem non exercenti.

Evacuatione maximè opus est; Qualis illa requiratur, ratione & experientia aperiemus. Providendum ne crassi humores generentur, geniti caput non infestent: Nil temerè committatur, nil negligente omittatur; & aluo consulamus ut alembico, capiti ut cucurbitulæ, ut dicit Fernellius, parti mittenti & parti excipienti.

Nec

Nec Alces ungula, nec cranium humanum, nec peoniæ succus Epilepticos juvant: Ad populum phaleras. Ut sævum sic impium est puerorum sanguine uti probalneo, quod tamen ab Antiquis usurpatum novimus. Detestabiliora censeantur quæ Dæmonis vires præ se ferunt, à medico Christiano prorsus aliena.

Melancholiam morbum quantum poterimus, curabimus. Nec enim sufficit Medicum suas partes agere, sed & egrotantem & affidentes, inquit Dictator; Malancholicus verò vix putat se restitutum iri, Omnia tuta timet, obsessus corpore & animo: Maniacos deinde, & furiosos quos cominus non tutum est, eminus debellabimus.

Si per Dei O. M. atque incliti Magistratus benignitatem vita frui liceat & animo tranquilliori, hydrophobiam, incubum, & catarrhum explicabimus, oculorumque & aurium vitia; non minori Audientium opinor, jucunditate, quàm utilitate.

L A U S D E O
E T
D I V O M A R C O .



00564415A